



PRIMA SESSIONE URDINARIA DI U 2022
24 È 25 DI FERRAGHJU DI U 2022
1ERE SESSION ORDINAIRE DE 2022
24 ET 25 FEVRIER 2022

N° 2022/01/012

**Question orale déposée par Marie-Claude BRANCA
au nom du Groupe « Core In Fronte »**

OBJET : Par un serviziu publicu paisanu

Pochi ghjorni fà , Core In Fronte ha postu a dumanda di l'avvena di I strutturi amministrativi in i rughjoni di u Suttanacciu, di u Taravu, di u Valincu e di l'Alta Rocca.

Issi strutturi cuncirnighjani stabilimenti di Santa Maria Sicchè, Livia, Sartè, Portivechju e Bonifaziu. Toccani i servizii publichi di u Tisoru Publicu e di l'Impositi. Spartimu u principiu di serviziu Publicu. In u stessu tempu ramintemu u rolu sviatu d'issi stabilimenti chi hani sempri accumpagnatu ssa pulitica inquisitoriali di a Francia, sin'e à logichi ripressivi contr'à anziani prighjuneri pulitichi.

Issu custatu metti in rilievu i limiti d'issu sirviziu publicu à l'usu francesu. Issi limiti piddani oghji un altra dimensioni par via d'una cuncentrazioni strutturali par raghjoni finanziarii chi accresci un andatura di privatizzazioni e di delucalizzazioni di l'impieghi paisani.

Issi cundizioni partecipeghjani à rinfurzà l'assuffuchera economica di u nosciu paesu, aumentani u spussessu di i nosci tarri impighjuriscini a desertificazioni di monda di i nosci pievi e strughjini u nosciu tissutu sociali. Cundannendu di piu l'intaressi culletivi, ssa pulitica amplificheghja a scursizzazioni di l'impieghi par via d'una vinuta calculata d'aghjenti d'altrò e sottu ordini pricisi.

Hè ora di falla finita incù ssa pulitica contr'à a Corsica. Hè ora di metta in ballu un veru sirviziù publicu par tutti i paisani. In'ssa logica di custruzioni di a noscia subranità e in a cuntinuità di u Riacquistu, rivindichemu com'è prima tapa ch'edda sia rifletta e mess'in ballu una vera tarritorializzazioni strutturali d'issi servizi sottu a respunsabilità di a Culletività di Corsica, rimanighjendu à u stessu tempu a so impiantazioni in i nosci tarritori.

Dumandemu in a logica d'unità e d'equità tarritoriali ch'idda sia niguziata 'ssa pruiezzioni d'avvena chi ci pudarà parmetta di fà fronti à u spussessu fundiaru, l'avvilimentu di i nosci paesi è pasciali è di participà à pruducia attività ecunomichi. Vi dumandemu dunqua:

- Al di là di a tarritorializzazioni di u solu impositu com'è mezzu di lotta contr'à a spiculazioni, seti d'accusentu pà intraprenda pulitichi in ssa logica è à tarritorializzà i strutturi chi rilevanti di u Tisoru Publicu e di l'impositi ?
- Seti d'accusentu pà metta in ballu un veru Serviziu Publicu Paisanu à pro di l'intaressi culletivi di a Corsica ?